



Broj predmeta: 47-000007/21  
Broj akta: 10-1024ZJ-001/21  
Datum, Mjesto, 14.1.2021. godine  
Brčko

ЕКОНОМСКИ ФАКУЛТЕТ  
БРЧКО

Примљено: 15.01.2021.			
Орг. јед.	Б р о ј	Датум	Вриједност
02/1-	22/21		

UNIVERZITET U ISTOČNOM SARAJEVU  
ЕКОНОМСКИ ФАКУЛТЕТ БРЧКО

**PREDMET: POZIV NA SARADNJU**

Poštovani,

Arhivsku djelatnost na području Brčko distrikta BiH obavlja Arhiv Brčko distrikta BiH, koji djeluje kao Služba za arhiv u okviru Odjeljenja za javni registar. U Službi za arhiv, čuva se građa starija od 30 godina (građa organa uprave i ostalih institucija, te pravnih lica koja su prestala sa radom). Količina građe koja se nalazi u prostorijama Službe za arhiv je oko 1000 m. Najstariji dokumenti koji se čuvaju u Službi za arhiv su:

- Mjesečnik pravničkog društva 1910-1915;
- Finansijski zbornik;
- Zbornik zakona i naredbi 1942 i 1943 NDH;
- Privilegovana agrarna banka Beograd do 1941;
- Uprava fondova Kraljevine Srbije do 1941;
- Državna hipotekarna banka o 1941;
- Dionice Prve muslimanske banke Brčko;

Služba za arhiv je u okviru svojih redovnih aktivnosti, a s ciljem predstavljanja arhivske građe široj javnosti, u proteklom periodu organizovala i nekoliko izložbi:

- Tematske:
  - "Izložba dokumenta i fotografija" u povodu svjetskog dana učitelja održana 05.10.2017. godine;
  - "Izložba kroz tri stoljeća – od Trgovačke škole u 19. st. do J.U. Ekonomske škole u 21. st.;
  - "Brčko u štampi u Austrougarskom periodu" održana 18.12.2019. godine;
  - "Tragom brčanskih Jevreja" održana 05.02.2020. godine;
- Gostujuće:
  - "Zločin u Katinskoj šumi" održana 02.06.2018.;
  - "SAD u BiH štampi do početka velikog rata" održana 27.03.2019. godine;
  - "Tri života sarajevske Hagade" održana 12.06.2019. godine;

U toku su pripreme za izložbe: "Škole sestara milosrdnica u Brčkom 1886-1974", povodom velikog jubileja 150 godina od dolaska sestara milosrdnica u Bosnu i Hercegovinu, izložba o III osnovnoj školi (Zaim Mušanović) povodom 60 godina rada i djelovanja škole u novoj zgradi, izložba "Učesnici NOB-a iz Brčkog u portretima Seada Hasanefendića" i izložba "Zlatno doba brčanske trgovine voćem". Napominjemo da je u prostorijama Službe za arhiv osposobljena i digitalna čitaonica sa 5 računara i omogućen pristup Libris bazi podataka koja omogućava pretragu digitalizovane arhivske građe.

Najvećim dijelom to je dokumentacija koja se nalazi u drugim arhivima, a odnosi se na područje Brčkog:

- Zemaljska vlada za Bosnu i Hercegovinu Sarajevo 1878.-1918., u ukupnoj količini od 543 dokumenta na 19.629 digitalnih stranica, odnosno cca 39.258 stranica teksta ovog fonda;
- Drinska banovina, IV prosvjetno odjeljenje 1929.-1938., u ukupnoj količini od 664 digitalnih stranica, odnosno cca 1.328 stranica teksta ovog fonda;
- Jevreji Brčko 1940.-1945., u ukupnoj količini od 144 digitalnih stranica, odnosno cca 290 stranica teksta ovog fonda;
- Šljivarstvo Brčko 1918.-1944., u ukupnoj količini od 1.060 digitalnih stranica, odnosno cca 2.120 stranica teksta ovog fonda;
- Do kraja mjeseca u sistem Libris bit će unesena i arhivska građa porodice Kučukalić (1892-1932), koja sadrži 1200 dokumenata (poslovna korespondencija) na osnovu koje se mogu rekonstruisati ekonomske prilike i trgovački tokovi u Brčkom u tom periodu;
- Građevinske dozvole – odobrenje za građenje period od 1978 do 1992. godine oko 37.000 skenova.

Služba za arhiv konstantno radi na promociji arhivske djelatnosti i obavljanju jednog od osnovnih zadataka svog postojanje, a to je davanje na korištenje arhivske građe sa kojom raspolazemo. U tu svrhu Vlada Brčko distrikta BiH, Odjeljenje za javni registar, Služba za arhiv je 2019. godine izdala Vodič Arhiva Brčko distrikta BiH, informativno priručno sredstvo, u kojem je prikazana arhivska građa koja je pohranjena u prostorijama Službe za arhiv. Naše strateško i programsko opredjeljenje je integrisanje arhivske djelatnosti u kulturni i kulturno-obrazovni sistem naše zajednice. U tom smislu je uspostavljanje i razvijanje saradnje sa ekonomskim fakultetom i srednjim školama na području Brčko distrikta BiH od iznimnog značaja. Stoga vas i vaše studente pozivamo na saradnju i korištenje arhivske građe u naučno-istraživačke svrhe. U prilogu vam dostavljamo i Vodič Arhiva Brčko distrikta BiH (15 kom.), kako biste imali priliku da se upoznate sa arhivskom građom sa kojom raspolazemo, a za koju biste vi i vaši studenti mogli pokazati interesovanje.

S poštovanjem.

Dostaviti:

1. Naslovu
2. Evidenciji
3. Arhivi



REPUBLIKA BOSNA I HERCEGOVINA  
BRČKO DISTRIKT  
ODJELJENJE ZA JAVNI REGISTAR

Zlatko Jašarević, dipl.ecc